



UNIVERSITÄTS-
BIBLIOTHEK
PADERBORN

**R.P. Petri Laurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

59. An dignitas Vicariatûs generalis sit compatibilis cum alia dignitate vel etiam beneficio curato.

[urn:nbn:de:hbz:466:1-74203](https://nbn-resolving.org/urn:nbn:de:hbz:466:1-74203)

CAPUT SECUNDUM.

De Dignitate, Præcedentia, & Jurisdictione Vicarii generalis.

PARAGRAPHUS I.

De Dignitate & Præcedentia illius.

Questio 56. Vicariatus Episcopi num sit beneficium Ecclesiasticum, & num conferri possit in titulum?

Respondeo negativè. Azor. p. 2. l. 3. cap. 13. q. 8. & c. 43. q. 8. Pirh. ad cit. de offic. Vicar. num. 33. cum communi. Etsi enim percipiat fructus hujus sui muneris, sui potius detur illi & debeat salarium tanquam merx laboris; hi tamen fructus seu redditus annui ei assignati, jusque ipsum illos percipiendi ratione præstiti laboris, non conferuntur ei in titulum stabilem ac perpetuum, cum ad nutum Episcopi amoveri possit; dum interim beneficium suapte natura est jus perpetuum percipiendi fructus ex bonis Ecclesiasticis. Pirh. loc. cit. Sbroz. l. 1. q. 45. num. 8. & 9. ubi, quod in titulum non confertur Vicariatus Episcopalis juxta c. cum eo. de electione. in 6. & c. pervenit. de appellat. quos textus citat; quia ad libitum Episcopi amoveri potest. Quin & Vicariatus per obitum aut amotionem Vicarii ab officio non vacat, sed finitur ac desinit. Azor cit. c. 13. q. 8. & vel in hoc etiam à beneficio manuali distinguitur, quod licet sit aufferibile ad nutum, dum tamen aufferitur, vacat, & non desinit esse in rerum natura sicut Vicariatus.

Questio 57. Num Vicarius generalis Episcopi sit in dignitate Ecclesiastica constitutus?

Respondeo affirmativè: Azor loc. cit. Pirh. loc. cit. num. 34. Ventrigl. loc. cit. num. 7. Barbof. juris. Eccles. l. 1. c. 15. num. 26. citans Pavin. de potest. cap. sede vac. p. 2. q. 10. num. 16. Fusc. de visitat. l. 1. c. 15. num. 32. Anton. de Pretis. de jurisd. Episc. c. 6. num. 50. (ubi etiam dicit Vicarium esse spectabilem & de mediis Magistratibus) Sbroz. l. 2. q. 22. n. 1. citans quam plurimos alios. Qui Sbroz. etiam n. 3. & ex eo Pax Jord. loc. cit. num. 89. id extendit expressè ad Vicarium Episcopi electi & confirmati nondum consecrati, Fagn. in cap. ad hæc. de Preb. num. 26. ubi: per Vicariatum consequitur dignitatem; & quam citat Gl. in Clem. etsi principalis. de rescrip. v. delegatus. Quæ dicit Officiale Episcopi tanquam constitutum in dignitate comprehendi c. statutum. de rescrip. in 6. Habet enim præminentiam cum jurisdictione conjunctam, & ex eadem provenientem. Pirh. loc. cit. dignitas autem consistit in tali præminentia. Fagn. loc. cit. num. 31. & ut idem ibidem num. 34. ex Archidiacono in c. 1. de consuetud. in 6. Dignitas Ecclesiastica cognoscitur ex eo, quod habeat administrationem rerum Ecclesiasticarum cum jurisdictione. Quod ipsum declarat Sbroz. loc. cit. n. 7. dicendo, id verum esse quo ad præminentiam seu prærogativam ortam ex jurisdictione, & tribunali Episcopi vel Consistorio, secundum quod ipse est una eademque persona cum Episcopo, & quo ad illam jurisdictionem corrumpat radiis dignitatis Episcopi, sicut Augusta radiis dignitatis Principis, ut idem Sbroz. num. 8. citatis Abb. & Cardin. in Clem. 7. de rescrip. Rebuff. in tr. de Paris. possessor. num. 79. &c. Secus quod ad dignitatem Ecclesiasticam Pon-

tificalem, ut Sbroz. num. 9. quæ propriè residet in Episcopo, & non est communicabilis, & divisibilis; adeoque quo ad illam Vicarius non facit idem consistorium cum Episcopo. Unde etiam Vicarium non dici habere dignitatè propriè & per se stantem ait Sbroz. n. 10. eò quod, ut ait n. 11. si haberet Vicarius propriè dignitatem per se stantem, eò mortuo remaneret dignitas vacans; cum illa non exspiret, sed sit perpetua; Vicariatus autem exspiret morte Vicarii, juxta Clem. ult. in Glof. fin. de procurator. quamvis quò ad hoc contrarium opinetur Cuch. Institut. can. de vicar. cit. 8. num. 7. & seq. l. 2. nempe Vicariatum Episcopalem dignitatem perpetuam continuatamque esse, & in ea dari successorem, delegationemque ad successorem in officio manere. Contra quem vide quamplurimos citatos à Sbroz. l. 1. q. 45. a. num. 7. Sic quoque Vicarium non habere dignitatem strictè, quæ cum alio beneficio sit incompatibilis (de quo paulò post) habere tamen quo ad præminentiam in jurisdictione provenientem, & ex tribunali Episcopi, secundum quò dicit una persona cum Episcopo, ait Fagn. loc. cit. n. 28. De cetero Vicarium generalem Episcopi habere dignitatem cum administratione patet. Sbroz. l. 1. q. 35. n. 5.

2. Secus verò est in Vicario foraneo, qui licet administrationem aliquam habeat, nullam tamen habet dignitatem. Sbroz. l. 2. q. 22. num. 14. citans Cardin. Innoc. Anchar. in cit. Clem. 2. de rescrip. Rebuff. in pr. ubi ante n. 4. Vant. de nullitat. ex defectu jurisdictionis. delegat. num. 66. Item in Vicario Archidiaconi, vel alterius Prælati inferioris ab Episcopo. Sbroz. cit. q. 22. num. 17. citans Gl. in cit. Clem. 7. Episcopi. & ibi Abb. num. 5. contra Menoch. conf. 277. col. 3. vol. 3. Quid verò jam possit Vicarius generalis ratione hujus suæ dignitatis quò ad delegationes ei factas à Sede Apostolica, dicitur infra, ubi de potestate illius.

Questio 58. Vicarius generalis Episcopi num sit verè Prælatus?

Respondeo: Absolutè cum Prælatum dicunt Ventrigl. Barbof. locis cit. Pax Jord. l. 12. tit. 1. n. 86. Pignat. Tom. 3. consult. 64. num. 4. ubi Vicarium esse Prælatum constat ex eo, quod exercet totam illam jurisdictionem, quam habet Episcopus; hæc enim jurisdictione constituit Prælatum. Sbroz. vero cit. q. 22. num. 3. ait per Gl. in Clem. auditor de rescrip. Vicarium latè intelligendo dici Prælatum ratione jurisdictionis, quam habet cum administratione. Quin & Prælati nomen ei non congruere, indicat Card. de Luca in miscellan. d. 1. num. 21. dum ait; quamvis autem alii adsint Ecclesiasticam jurisdictionem exercentes, ut sunt Vicarii generales vel capitulares, atque cathedralium & collegiarum Capitulo Sede vacante; attamen non verè, sed dativa, vel accidentalis est hæc jurisdictione, vicaria vel provisionalis, adeoque Prælatum nomen eis non congruit.

Questio 59. Num dignitas Vicariatus generalis Episcopalis sit compatibilis cum alia dignitate, vel etiam beneficio curato?

Respondeo: Vicariatus generalis Episcopi non est incompatibilis cum aliis dignitatibus, officiis, personalitatibus, beneficiis curatis, vel etiam

non

non curatis. Et hinc Vicariatus neque amittitur, neque vacat per alterius dignitatis vel beneficii, etsi curati; neque vice versa dignitas alia aut beneficium per Vicariatus adeptionem. Juxta Pirh. cit. num. 33. Pax Jord. l. c. n. 86. Sbroz. l. i. q. 45. num. 10. & l. 2. q. 22. num. 15. qui citat Rebuff. ubi ante. num. 7. Cuchum ubi ante num. 8. Abb. in cap. de multa. de prob. num. 23. & alios. Fagn. in c. ad hac. de prob. n. 25. juncto num. 28. ratio jam data est, nempe quia non est beneficium; & licet sit dignitas, non est tamen dignitas per se stabilis. Authores iidem. Verum his non obstantibus, si sit beneficium siue non, siue sit dignitas perpetua siue non, Vicariatus adhuc non videtur posse stare cum beneficio Parochiali requirente residentiam personalem, à qua juxta dicta supra, ubi, num Parochus esse possit Vicarius Episcopi, non excusatur officium Vicariatus assumptum; adeoque respectu talis officii non censebitur legitime absens.

Questio 60. Num Vicarius generalis Episcopi dignitate præcedat ceteros omnes Canonicos Cathedralis, etiam dignitates, & in specie Archidiaconum?

Respondeo: Spectato jure communi præcedit omnes alios Prælatos Episcopo inferiores, etiam Archidiaconum; quia locum Episcopi tenet, ejusque personam representat, ex quo in eodem tribunali jurisdictionalem Episcopalem exercet. Archidiaconi verò tribunal inferius est, & subiectum consistorio Episcopali, cui præest Vicarius generalis. Pirh. loc. cit. num. 34. Sbroz. l. 2. q. 25. à n. 1. citans immensam Authorum turmam. Unde jam etiam præ omnibus dignitatibus, & in specie præ Archidiacono honorandus est. Sbroz. loc. cit. num. 3. ubi: Cum Vicarius Episcopi Episcopo associetur in jurisdictione, representante reverentiam Episcopalem, non dabitur medius gradus inter Episcopum & Vicarium, tanquam tribunal unius sit tribunal alterius, persona unius sit persona alterius, unum agens, una actio, tanquam Episcopus honorandus. Pro quo citatur, cum Gl. de consuetud. in c. Romanas de appellat. in 6. Gl. in Clem. 2. de rescrip. c. præcipimus. ubi dicitur: sicut illius locum tenens honorabitur. Et num. 4. ex Anton. de Pretis (qui fuit Vicarius Archiepiscopi Florentini) de jurisdic. Episc. c. 6. num. 34. ait, quod sicut Papa Christum representat, & facit idem tribunal cum illo, & omnibus post Christum præhonoratur, ita Vicarius representat Episcopum, facitque idem cum eo tribunal, omnibus post Episcopum præhonorandus est; siquidem honorificatio sequitur dignitatem, & pro majore dignitatis præcellentia major honor impertiendus.

Questio 61. An igitur Vicarius, sicut dignitate præcedit alios quoscumque, sic quoque præ illis habeat præcedentiam in sessione, processione, & aliis similibus?

Respondeo: Quantum iterum est de jure communi, Vicarius præcedit omnes Canonicos, & dignitates tam intra quam extra Ecclesiam (intellige quò ad locum & similia) Ventrigl. Tom. 2. annot. 15. §. 2. num. 1. Barbof. juris Eccles. l. 1. c. 15. num. 34. Pax Jord. loc. cit. num. 242. Pignat. rom. 4. consult. 26. num. 17. ubi Vicarius generalis respectu jurisdictionis locum habet supra omnes dignitates & Capitulum Cathedralis. Abb. conf. 20. l. 1. Gratian. discept. 111. num. 2. 24. & 27. Rota decis. 200. num. 4.

p. 1. diversar. & sapius declaravit S. Rituum congregat. &c. Item tom. 3. conf. 64. à num. 3. ubi: Dicendum est, Vicario generali Episcopi deberi præcedentiam in omnibus actibus, & locum eminentiorem super quibusvis dignitatibus, & canonicis, est communis sententia, pro qua ibidem citat Fusc. de visitat. c. 2. mem. 19. Zerol. in pr. p. 1. v. vicarius. Bottæ. de synod. p. 3. num. 20. Mallet. de Hierarh. Eccles. l. 3. p. 1. tit. 7. num. 6. Challan. in catalog. glor. mundi. Gamb. de legat. l. 3. num. 103. & plurimos alios. Et num. 10. ait, quòd hanc sententiam amplexa sit S. Rituum congregat. quæ sapius censuerit, quòd Vicarius Episcopi in choro in Ecclesia, & ubique præcedat omnibus Canonicis & dignitatibus, etiam prima post Pontificalem, siue Archidiaconus siue quomodocunque vocetur, ut in una Fanens. 5. Octob. 1586. in Vicentina. 16. May. 1604. in Militen. 13. Jul. 1619. censuerit, ut de præcedentia & loco Vicarii Episcopi illud observetur, ut in choro & extra chorum præcedat dignitates & Canonicos omnes publicè privatimque ut eorum Superior, ita tamen, ut certum & immutabilem nullius locum occupet; quin & illas dignitates & Canonicos, qui in habitu Prototonarii incedunt, ut in Brundisun. 16. Jul. 1605. idem Canonicos incedentes in habitu canonicali; etsi rochetto & cappatatur, ut in Nolana & Laurer. 25. Martii 1610. Et sic in specie Vicarium præferri Canonicis & Archidiacono, tam in actu, in quo est Vicarius, quam in aliis actibus necessariò antecedentibus & consequentibus actus jurisdictionales, & in promiscuis & indifferenteribus, ut in conviviiis & similibus, fuscè probari à Gratian. Discept. 111. per tot. ait Ventrigl. loc. cit. n. 20. qui etiam pro hoc citat Manriq. de præcedent. q. 52. mem. 1. & seq. Idem fere habet Fagn. in c. adhuc. de prob. num. 29. Item Vicarium præcedere Archidiaconum tam in choro quam ubilibet, ait Barbof. loc. cit. num. 34. citans Valenz vel. conf. 107. num. 39. & 60. & testans sic declarasse S. Congregat. Rituum in Theatin. 6. Jul. 1618. Item Sbroz. loc. cit. num. 1. §. de Vicarium. Id fulissimè probat & citat pro hoc quamplurimos, & inter ceteros Jo. de Arnoño sing. 28. ubi is appellat Archidiaconos, qui volunt præcedere Vicarium generalem Episcopi, temerarios & arrogantes. Abb. consil. 21. per tot. vol. 1. Rebuff. in pr. tit. de Vicar. Episc. num. 7. Cassan. catal. gloria mundi. p. 4. confid. 46. Melillo in de præcedent. vicar. c. 1. & 4. per totum. Bottæ. de synod. p. 3. num. 20. &c. quòd & extendit hoc ipsum Sbroz. l. 1. num. 7. Etiam si Archidiaconus haberet privilegium obtinendi primam sedem post Episcopum, pro quò citat Abbatem conf. 21. num. 5. qui declarat privilegium illud respectu aliorum Clericorum non habentium jurisdictionem in Archidiaconum, non autem respectu Vicarii. Pari quoque ratione Vicarium præferendum esse Abbati & Archipresbytero, etsi de cetero Abbas immediate post Episcopum sedere debeat, & aliis Prælati circa Episcopum præferri, tradit Sbroz. n. 8. citatis pluribus. Pro quò citat Melil. cit. c. 4. & 5. Ant. de pretis. c. 6. n. 55. & alios contra Bottæ loc. cit. p. 3. num. 15. Menoch. cit. conf. 257. num. 30. & 78. Picard. & alios. Ed quòd Vicarius omnibus Dioecesanis præferatur post Episcopum, ut multis probat Cassan. Melillo. locis cit. Cuch. tit. de vicar. Episc. n. 29. & seq. Quinimo extendit illud num. 11. ita ut præcedat quoque Episcopum [intellige non illum, cujus est Vicarius, sed alium] v. g. dum aliquis ex Canonicis esset Episcopus eo quòd ille Episcopus, non ambulet in processionibus, aut est in choro ut Episcopus, sed ut Canonicus. Citat pro hoc Anton. de pretis cit. c. 6. n. 55.